



Broj:
Datum: 26.03.2025. godine

Na osnovu Sporazuma o saradnji između Muslim Aid Association, Općine Travnik i Udruženja građana pčelara „APIS“ Travnik, broj: 01-04-11-305/25 od 12.03.2025. godine, kojim se implementira Projekat „Pčelarstvo i ruralni razvoj“ i Pravilnika o utvrđivanju uslova, kriterija i postupaka za ostvarivanje prava za dodjelu pčelinjih društava i opreme broj: 01-04-21-5-664/25 od 20.03.2025. godine, Općina Travnik putem Službe za razvoj, privredu i vanprivredu raspisuje:

JAVNI POZIV

za podnošenje zahtjeva za dodjelu pčelinjih društava i opreme

I PREDMET JAVNOG POZIVA

Predmet Javnog poziva je dodjela pčelinjih društava i opreme za 10 korisnika kroz Projekat „Pčelarstvo i ruralni razvoj“. Korisnicima projekta kroz ovaj grant će biti dodijeljeno 7 pčelinjih društava (5 društava u prvoj godini i 2 društva u drugoj godini realizacije projekta), košnice za bavljenje pčelarstvom (najmanje 9 kompleta košnica sa 2 LR tijela i ostalom pratećom opremom) i oprema za pčelarstvo (vrcaljka, odijelo, rukavice, dimilica, pčelarska vaga) kao i ostala oprema u ovisnosti od raspoloživog iznosa grant sredstava.

II PRAVO UČEŠĆA

Pravo na učešće u Projektu imaju socijalno i materijalno ugrožene osobe, žene i mlade osobe, koje imaju prebivalište na području općine Travnik i posjeduju vlastito poljoprivredno zemljište ili je zemljište u vlasništvu članova uže porodice po prvoj liniji (majka, otac, djed itd.), kao i zemljište ustupljeno na korištenje ili u zakup na period ne manji od 3 godine u neposrednoj blizini stambenog objekta u kojem stanuju, a na kojem se može formirati i stacionirati pčelinjak u skladu sa Pravilnikom o držanju pčela koji se primjenjuje na ovome teritoriju.

Pravo na dodjelu pčelinjih društava sa dodatnom opremom nemaju osobe:

- koje u svom vlasništvu ili u vlasništvu članova domaćinstva (otac, majka, supružnik i dijete) posjeduju više od 10 pčelinjih društava,
- koje su u zajedničkom domaćinstvu sa nekim od članova komisije za izbor kandidata.

III USLOVI ZA DODJELU PČELINJIH DRUŠTAVA I OPREME

Podnosilac zahtjeva treba da ispunjava slijedeće uslove:

1. da ima prebivalište na području općine Travnik,
2. da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za stacioniranje i formiranje pčelinjaka ili da je zemljište uzeto na korištenje ili u zakup i da se isto nalazi u neposrednoj blizini stambenog objekta u kojem stanuju,
3. da u trenutku predaje zahtjeva za učešće u ovom projektu nema više od 10 pčelinjih društava u svom posjedu ili posjedu gore navedenih članova,
4. da sufinansira 15% od nabavne cijene start-up paketa za pčelarstvo (525,00 KM),
5. da obavezno prisustvuje edukacijama (teorijskim i praktičnim) koje će organizovati udruženje pčelara,

6. da će dobijeni start-up paket zadržati u vlasništvu najmanje 3 godine od potpisivanja Ugovora,
7. da će se, ukoliko do sada nisu članovi jednog od Udruženja pčelara na području općine Travnik, učlaniti najkasnije mjesec dana nakon potpisivanja Ugovora.

IV KRITERIJI ZA BODOVANJE PODNOSILACA ZAHTJEVA ZA DODJELU PČELINJIH DRUŠTAVA SA PČELINJOM OPREMOM

Kriteriji za bodovanje podnosioca zahtjeva:

a) pogodnost geografsko-okolišnih uslova za smještanje pčelinjaka (utvrđuje Komisija za dodjelu pčelinjih društava i opreme na licu mjesta) **1-3 boda,**

- slabi uslovi (parcela sa velikim nagibom, neosunčana strana, neocjedito zemljište u potpunosti bez zaklona od jakog sunca u toku dana, vrlo vjetrovito područje, loš pristup pčelinjaku, udaljenost pčelinjaka do 1000 metara putne komunikacije) **1 bod**,

- dobri uslovi (parcela sa relativno strmim nagibom, poluosunčana strana, relativno sa zaklonom od jakog sunca u toku dana, neocjedito zemljište, relativno vjetrovito područje, otežan pristup pčelinjaku, udaljenost pčelinjaka do 500 metara putne komunikacije) **2 boda**,

- jako dobri uslovi (ocjedita parcela sa blagim nagibom, posjeduje zaklon od jakog sunca u toku dana, dobar pristup pčelinjaku, udaljenost pčelinjaka do 200 metara putne komunikacije) **3 boda**.

Napomena: Kandidate kod kojih se na terenu utvrdi da parcele ne ispunjavaju gore navedene kriterije (podložne su jakim udarima vjetrova, parcela nije pogodna za formiranje pčelinjaka obzirom na nagib, nadmorsku visinu ili utvrđenu eroziju tla i sl.), stručna-poljoprivredna komisija neće uzeti u razmatranje, te će biti eliminisani iz selekcije. Također, ukoliko komisija na terenu utvrdi da je planirana lokacija stacioniranja pčelinjaka udaljena više od 1000 metara putne komunikacije, ili ne ispunjava uslove obzirom na Pravilnik o formiranju pčelinjaka (blizu stambenim objektima), kao i posjedovanje više od 10 košnica pčela, kandidat će biti eliminisan iz dalje procedure odabira.

b) pripadnost jednoj od dole navedenih kategorija:

- podnosilac zahtjeva nezaposlen **4 boda**
- za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje **1 bod**
- za svakog izdržavanog člana porodice (nezaposlene osobe koje se ne nalaze na evidenciji nezaposlenih osoba na Birou za zapošljavanje - domaćice, djeca, učenici i sl.) **1 bod**
- podnosilac zahtjeva mlada osoba životne dobi do 40 godina **5 bodova**
- podnosilac zahtjeva samohrani roditelj **3 boda**
- podnosilac zahtjeva žena **1 bod**
- podnosilac zahtjeva ili uži član porodice invalidna osoba **3 boda**

c) ukupan prihod domaćinstva:

- | | |
|--|-----------------|
| - bez primanja | 6 bodova |
| - ako su primanja po članu domaćinstva do 100,00 KM | 4 boda |
| - ako su primanja po članu domaćinstva od 100,01KM do 150,00 KM | 3 boda |
| - ako su primanja po članu domaćinstva od 150,01 KM do 200,00 KM | 2 boda |
| - ako su primanja po članu domaćinstva od 200,01 KM do 300,00 KM | 1 bod |
| - ako su primanja po članu domaćinstva preko 300,01 KM | 0 bodova |

d) socijalni aspekt (stanje na terenu, imovno stanje, opći dojam i sl.) od 0 - 7 boda (utvrđuje komisija za dodjelu pčelinjih društava izlaskom na teren).

Ukoliko kandidati pri bodovanju budu imali isti broj bodova, prednost će imati kandidati koji imaju status:

1. mlade osobe,
2. višečlane porodice,
3. veći broj nezaposlenih u porodici.

V POTREBNA DOKUMENTACIJA

Uz zahtjev podnosioci trebaju priložiti sljedeću dokumentaciju:

1. Kućna lista (original ili ovjerena kopija)
2. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje, a za lica koja se ne vode na evidenciji kopija zdravstvene knjižice sa vidljivim pečatom nosioca osiguranja ili ovjerena izjava kojom se garantuje da je lice nezaposleno (original ili ovjerena kopija), za studente kopija indeksa sa vidljivim pečatom ovjere semestra, za učenike kopija učeničke knjižice ili svjedočanstva (ovjerene kopije),
3. Uvjerjenje ili drugi dokaz o visini primanja za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke) (original ili ovjerena kopija),
4. Dokaz o vlasništvu ili posjedu nad parcelom koja se namjerava koristiti za postavljanje pčelinjaka (ZK izvadak ili posjedovni list, ili ugovor o zakupu/korištenju parcele) (original ili ovjerena kopija),
5. Dokaz da je samohrani roditelj - smrtni list ili dokaz o razvodu braka ili drugi dokument kojim aplikant može dokazati da je samohrani roditelj (original ili ovjerena kopija),
6. Dokaz da je podnosilac zahtjeva ili član domaćinstva (dijete, bračni drug sl.) osoba sa invaliditetom (potvrda/mišljenje stručne medicinske komisije o utvrđenom invaliditetu), (original ili ovjerena kopija),
7. Ovjerena izjava da u trenutku predaje zahtjeva za učešće u ovom pozivu nema više od 10 košnica pčela u svom posjedu ili posjedu užeg člana domaćinstva,
8. Ovjerena izjava da će korisnik podsticaja dobijeni start-up paket zadržati u vlasništvu najmanje 3 godine od potpisivanja Ugovora i da će se učlaniti u jedno od udruženja pčelara,
9. Ovjerena izjava da će sufinansirati 15% od nabavne cijene start up paketa (525,00 KM), te da će obavezno prisustvovati edukacijama iz oblasti pčelarstva.

CIPS prijava će se provjeravati po službenoj dužnosti.

Potrebna izjava za uslove pod rednim brojevima 7,8,9, se podnosi na zajedničkom obrascu „IZJAVA“, koja se može preuzeti u Službi za razvoj, privredu i vanprivredu.

Napomena: Komisija zadržava pravo zatražiti dodatno objašnjenje za dostavljenu dokumentaciju, te ukoliko se ukaže potreba za tim zatražiti dodatnu dokumentaciju.

VI PROVOĐENJE POSTUPKA PO JAVNOM POZIVU

Načelnik imenuje Komisiju za odabir korisnika za dodjelu pčelinjih društava i opreme koju čine predstavnici organizacije „Muslim Aid“ Sarajevo, Općine Travnik i Udruženja građana pčelara „Apis“ Travnik.

Zadatak Komisije je:

- pregled prispjelih prijava
- evidentiranje podnosilaca zahtjeva koji ispunjavaju uslove iz Javnog poziva,
- obavljanje uviđaja na licu mjesta,
- utvrđivanje i objavljivanje preliminarne liste odabranih korisnika na osnovu utvrđenih kriterija za bodovanje

Preliminarna lista o odabiru korisnika za dodjelu pčelinjih društava objavljuje se na oglasnoj ploči i službenoj web stranici Općine Travnik.

Podnosilac prijave može uložiti pisani prigovor Načelniku na preliminarnu listu s rokom podnošenja prigovora od 8 dana od dana objave preliminarne liste na oglasnoj ploči i web stranici Općine Travnik.

Nakon rješavanja eventualnih prigovora donosi se konačna lista i ista objavljuje na oglasnoj ploči i službenoj web stranici Općine Travnik.

Izabrani kandidati potpisuju Ugovor o dodjeli pčelinjih društava i opreme, kojim će biti regulisana sva daljnja međusobna prava i obaveze.

VII NAČIN I ROK PODNOŠENJA PRIJAVA

Obrasci zahtjeva za prijavu na Javni poziv se mogu preuzeti u Službi za razvoj, privredu i vanprivredu Općine Travnik. Zahtjev sa obaveznom dokumentacijom se dostavlja u zatvorenoj koverti na protokol Općine Travnik sa naznakom „Javni poziv za dodjelu pčelinjih društava i opreme“. **Rok za podnošenje zahtjeva je 15 dana, od dana objavljivanja javnog poziva na web stranici Općine.** Nepotpuna, neuredna, netačna i neblagovremena dokumentacija neće se uzimati u razmatranje.

Sve dodatne informacije u vezi sa Javnim pozivom se mogu dobiti u Službi za razvoj, privredu i vanprivredu Općine Travnik, na broj telefona 030/509-041, svakim radnim danom od 07.00 do 15.30 sati.

NAČELNIK

dr.sci. Kenan Dautović